


中國方志叢書·華北地方·第八三號

據清·陳詠修張惇德纂
光緒四年刊本
影印

河北省

唐縣志

成文出版社印行



10106151


中國方志叢書·華北地方·第二八二號

據清·陳詠修張惇德纂
清·光緒四年刊本
影印

河北省

唐縣志

(二)



成文出版社印行

566/1995



10106150


中國方志叢書·華北地方·第八三號

據清·陳詠修張惇德纂
光緒四年刊本

影印

河北省

唐縣志



成文出版社印行



中華民國五十八年

月臺一版

唐縣志

全三冊



發行人：黃成助

出版者：成文出版社有限公司
台北郵政信箱二二六〇五號

台北郵政信箱二二六〇五號
台北市羅斯福路三段279之二號
電話：三七〇一三三二號

印刷者：東南印製廠有限公司
和平西路二段70巷83弄29號

內政部登記證內版台業字第一一四七號

齊 十 齊
編 武 思
寶 齊 出

光緒四年
庚子歲
正月十五日
癸卯年
正月初五日

重脩唐縣志序

唐縣為古帝堯封地山川壯濶風俗樸厚
茅茨土階之餘韻猶有存者況地當五臺
孔道乾嘉時迭次

西巡

翠華駐蹕邑之士夫父老近

大子之光沐

覆幬之恩咸懽忻忭舞擊壤鼓腹於

化日下也詠來承乏嘗稽覽舊志推求利弊復
以循視鄉閭眺望形勝大茂清虛聳峙雲
表嘔夷恆川襟帶於右倒馬隘口界分燕
晉長古邨落蹟著陶唐以及郊畦鐸繡民
物蕃滋而孝義良模英才翰墨蒸蒸然盛
於疇昔方思廣收博采續補陳編為此邦
之政譜也適

大府以興脩畿輔通志檄府縣各續志乘

詠奉行未竣尋調任去今復蒞茲土整理
簿書之暇力圖前舉爰集邑紳屬為續訪
延藥城張仲齋萃科考訂纂輯之越歲稿
成首

宸章昭

盛典也次星野晷度察祥異驗氣候也次疆域
山川釐板圖紀險要也次田賦學校經政
明教養遵成憲也次職官選舉人物考勤


情寓勸懲也次藝文襍稽存簡編搜逸佚也終之以識餘辨訛盡緒餘釋疑似也酌諸志之體例補舊志之疎漏庶乎備考稽而資治理焉抑又有異者前明邑志之創嘉靖十七年邑令孫君廷相也

本朝邑志之脩康熙十一年邑令王君政也蓋皆吾鄉之先達焉自壬子迄今丁丑遙遙百九十四年案牘蘊蝨文獻凋殘雖雖

正時有志略一冊紀述寥寥又難取材迺
不易於續易於成者而詠幸攜撫綴集繼
前賢以成之不可謂非數也然則後之官
斯邑者慕往哲徵軼事辨土宜顧民情以
興利除弊仰體我

國家惠愛元元之意其亦可參取是編也夫
光緒四年冬唐縣知縣山左清源陳詠序





唐縣志凡例

一志與史相表裏者也採之鄉閭上之輜軒故必徵文
考獻酌古論今以期去取各當謹嚴有法斯爲一邑
之掌故令長之政譜焉

一史志分野皆指全郡言一州一邑不暇詳推况占星
變以察休咎往往無定準地如須女爲越分星而續
漢書天文志須女燕地此就一時占驗而言耳考熱
河志首載晷度準地測量而朦景多少晝夜永短節
氣早晚胥得之矣迺挽勞玉初大令厯算晷度與星
野並載之

一志之緊要者輿地而輿地以圖爲重元和郡縣志舊有四十七圖以冠諸鎮之首其圖雖佚實爲志方輿者鼻祖自寰宇記羣入人物風俗物產而圖幾至不講今計四境里數開方細繪一邑之山川村落按索斯得

一沿革舊志舛錯太多如云漢爲苦陘縣而春秋之陽邑反致遺漏蓋漢苦陘本今無極縣春秋陽邑實今縣地也茲於古經正史通爲考核以世代爲經縣境爲緯橫列爲表庶無疎略之弊或謂志表並稱表不括以志然漢書三統甲子直是表體載入律志是其

例矣

一邑境崇巒疊嶂深壑鉅澗所在多有而山以大茂爲尊清虛爲險川以嘔夷爲大恆河爲古舊志記敘太略茲詳述其形勢考其源委并繪澨恆交流圖以審其道里方向庶不貽笑山靈馮夷

一城池公署等項舊志列入建置茲以城池公署附疆域以關隘隄堰附山川統入輿地不立建置門類

一村莊舊志分社載入然里社所統之地不能挨次多相隔閼茲以四路分載而以所屬之社注於下唐河西地勢遼濶又分西東二路凡村之戶口街道山川

等項條列其中分之則一村景象若觀合之則四境情形已具庶於治法有裨

一田賦康熙雍正二志條款盡行載入而以現行條款列於後從陸清獻靈壽志例也裁減原委利弊可思附以鹽課雜稅國計民生胥於是乎在

一學校舊志列入建置於義爲輕今別爲一卷復爲詳考諸儒里居祀位次第昭慎重也學額書院義學附之於以見化導有本

一壇廟本典禮所重儲侍亦民食攸關傳云國之大事在祀與戎營制尤不可闕至養濟院留養局皆郵政

也今立經政一門廟祀倉儲郵政兵防等項以次載入

一職官舊志起自前明不列武職今以年經事緯爲表併考宋元以來各職官補列於前另爲一通至若封建止王季材見之事略以免繁瑣

一封贈舊志備載勅文殊失體裁茲概從刪削止列其姓氏官階附選舉後

一人物生存者不立傳蓋棺論定義也節婦年分應旌者不在此例

一列女史家記載俱云某某妻某氏蓋以書某氏某某